

重脩鳳翔府志

第士册

T 3154/7282.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 25 1936

12

Gift of
East Asiatic Society

鳳翔府志卷之十一

紀事

古者諸侯各有史官以紀一時之實故事雖歷千百
年而八故府而稽之可得也自秦變封建爲郡縣而
外史廢於是一郡一邑之事寢久寢失以至於沉沒
而不傳者多已然存什一於千百其大者則載之國
乘其軼亦時時見於他說採而列之庶考斯土者可
以知古今之故焉志紀事

哈佛大學
圖書館
珍藏印

夏

帝癸三歲畎夷侵岐

六歲岐戎來賓

商

王小乙二十六祀古公亶父自豳遷岐改國號曰周

王武乙三祀命周公亶父賜以岐邑

王辛十四祀虞芮質成於周

十五祀西伯田於渭陽

西伯將出獵卜之曰所獲非龍非虵非虎非羆所獲

霸王之輔於是田渭陽遇呂尚與語大悅載與俱歸

立為師

周

成王五年大蒐於岐陽

懿王十三年翟人寇

翟翟人侵岐

平王九年秦徙居汧渭

秦襄公十二年伐戎至岐卒子文公元年居西垂宮

二十三年以兵七百人東獵四月至汧渭之會曰昔周邑

我先秦嬴於此後卒獲為諸侯乃卜居之占曰吉即

營邑之

二十一年秦伐戎收岐西地以岐東地歸於王

秦文公十六年以兵伐戎戎敗走於是文公收周餘

民有之地至岐岐以東獻之王

桓王六年冬秦徙居平陽

秦寧公二年徙居平陽平陽故城在岐州岐山縣

惠王二十九年秋王賜秦金鼓命為西伯

秦用由余謀伐戎王益國十二開地千里遂霸西戎

天子使召公過賀賜繆公以金鼓命為西方諸侯伯

考王十一年義渠伐秦

秦躁公十三年義渠伐秦侵至渭陽自秦厲公滅大

荔取其地其遺脫者皆西走踰汧隴自是中國無戎

寇唯餘義渠種焉至貞王二十五年秦伐義渠虜其

王後十四年義渠侵秦至渭

威烈王四年秦作上下時

秦靈公作上下時於吳陽吳山之陽在隴州上時祭黃帝下

時祭炎帝

漢

文帝十五年夏四月上幸雍始郊見五帝

景帝中六年春二月己酉行幸雍郊見五帝

武帝元光二年冬十月行幸雍祠五時

元狩元年冬十月帝如雍祠五時

武帝郊雍獲一角獸若鹿然有司曰陛下肅祇郊祀

上帝報享賜一角獸蓋麟云於是以薦五時時加一

牛以燎改元曰元狩

元封二年冬十月郊雍五帝

元帝初元五年春三月帝如雍祠五時

成帝建始二年春正月罷雍五時及陳寶祠

永始三年冬十月復泰時五時陳寶祠上無繼嗣故

令太后詔有司復甘泉泰時及雍五時天子復親郊

禮如前又復長安雍及郡國祠著明者

光武建武三年詔拜趙匡為右扶風

四年冬十二月公孫述遣兵屯陳倉隗囂遣兵助馮異

擊破之

公孫述積糧漢中築宮南鄭又造十層赤樓帛蘭船

多刻天下牧守印章使將軍李育程烏將數萬眾出

陳倉與呂鮪狗三輔征西將軍馮異擊鮪育於陳倉
大敗之鮪育奔漢中

五年春正月遣來歙送馬援歸隴右

六年夏四月遣耿种等七將軍從隴道伐蜀

五月隗囂反使其將王元據隴坻諸將戰不利引還

諸將從隴道擊蜀隗囂使王元據隴坻伐木塞道諸
將戰不利還屯三輔

冬十二月隗囂遣兵下隴馮異恭遵擊破之

八年春來歙將兵二千人伐山開道從番須回中徑襲

畧陽伐隗囂斬其守將金梁

冬公孫述遣兵擊隗囂吳漢引兵下隴

順帝永和五年夏五月羌寇武都燒隴關

冲帝永嘉元年春二月叛羌皆降隴右復平

靈帝中平五年冬十一月梁州賊王國圍陳倉以直蒲
嵩爲左將軍討之

王國圍陳倉復拜嵩爲左將軍督前將軍董卓各率
二萬人拒之卓欲速進赴陳倉嵩不聽卓曰智者不
後時勇者不留決速救則城全不救則城滅全滅之

勢在於此也嵩曰不然百戰百勝不如不戰而屈人之兵陳倉雖小城守固備我可不煩兵動衆而取全勝之功將何救焉遂不聽王國圍陳倉自冬迄春八十餘日竟不能拔自解去

六年春二月皇甫嵩大破王國於陳倉王國走死

國衆疲敝自解去嵩進兵擊之董卓曰不可兵法窮寇勿追歸衆勿追嵩曰不然前吾不擊避其銳也今而擊之待其衰也所擊疲師非歸衆也國衆且走莫有鬪志以整擊亂非窮寇也遂獨進擊之使卓爲後拒連戰大破之國走而死卓大慙由是忌嵩

蜀漢

後主建興六年冬十二月右將軍亮伐魏圍陳倉不克而還斬其追將王雙

十二年夏四月丞相亮進軍渭南魏大將軍司馬懿引兵拒守亮始分兵屯田

亮悉大衆由斜谷出以流馬運據武功五丈原與司馬懿對於渭南亮每患糧不繼使已志不伸是以分兵屯田爲久駐之基耕者雜於渭濱居民之間而百

姓安堵軍無私焉



懷帝永嘉六年冬十二月羌會姚弋仲自稱扶風公

姚弋仲南安赤亭羌人也永嘉之亂東徙榆眉戎夏

襁負隨之者數萬榆眉即漢之隃糜縣

永昌元年趙光初五年陳安叛趙自稱涼王

趙秦州刺史陳安求朝於曜曜以疾辭安怒大掠而

歸隴上氏羌悉附之有衆十餘萬自稱涼王獲趙將

呼延實及魯憑將用之二人不屈皆殺之

孝武帝太元十年五月西燕攻長安秦王堅奔五將山

七月後秦圍五將山執秦王堅以歸

十一年夏六月關隴諸郡復起兵爲秦

秦主丕以王承爲左丞相傳檄四方共討姚萇慕容垂於是天水馮翊京兆扶風咸起兵遣使詣秦



梁普通五年魏正光五年秋八月魏都督元志討莫折念生戰於隴

口敗績

十一月莫折念生陷魏岐州殺都督元志 蜀賊寇魏

雍州討平之

梁普通六年春正月魏行台蕭寶寅都督崔延伯討莫魏孝昌元年

折天生敗之岐雍隴東皆平

梁中大通二年春三月魏遣都督爾朱天光討万俟醜魏永安三年

奴夏四月獲之

天光至汧渭之間停車牧馬宣言俟秋涼更進獲覘者縱之醜奴信之散衆歸耕據險立柵天光知其勢分密嚴夜發黎明圍其大柵拔之所得俘囚皆縱遣之諸柵悉來歸款



高祖開皇十三年春二月作仁壽宮

詔楊素營仁壽宮於岐山之北素奏宇文愷封德彝十爲土木監於是夷山埋谷以立宮殿崇臺累榭宛轉相屬役使嚴急丁夫多死

十五年春三月仁壽宮成

時天暑役天死者相次於道楊素悉焚除之帝不悅及至見制度壯麗大怒曰楊素爲吾結怨天下素聞之慮獲譴封德彝曰公勿憂俟皇后至必有恩詔明日帝果召素入對后勞之曰公知吾夫婦老無以自

重刊唐書卷之二十一
八
娛盛飾此宮豈非忠孝賜賚甚厚

仁壽二年春三月幸仁壽宮

四年春正月甲子幸仁壽宮 帝將避暑於仁壽宮術士章仇大翼諫曰是行恐變與不返帝大怒繫之長安獄期還而斬之

煬帝大業九年冬十二月扶風妖人作亂討平之

十三年冬十二月薛舉攻扶風唐王淵遣秦公世民擊敗之

薛舉遣子仁果寇扶風唐弼拒之舉遣使召弼弼乃

請降仁果乘其無備襲破之盡奪其衆勢益張衆號二十萬將窺京師唐王淵使世民將兵擊之斬首數千級逐北至隴坻而還

周

太宗貞觀六年春三月如九成宮發使存問高年鰥寡十三年夏四月如九成宮

高宗永徽五年閏四月帝在萬年宮夜大水

高宗在萬年宮山水暴至夜突元武門宿衛皆散走薛仁貴曰當天子緩急安可懼死遂登門大呼以警

宮內帝遽出乘高俄而水入帝寢帝曰賴卿以免始知有忠臣也賜以御馬

儀鳳三年夏五月幸九成宮

玄宗天寶十五載夏六月帝次扶風

上次扶風士卒流言不遜陳元禮不能制會益州貢春絲十萬匹上命悉置於庭召將士論之曰朕衰老託任失人致逆胡亂常事須遠避卿等倉猝從朕不得別父母妻子言發涕流曰朕須幸蜀路險人多恐難供承今有此絲可分以備資糧朕獨與子弟中官相

隨亦足自達便與卿等

別衆咸俯伏涕泣曰死生

願從陛下上曰去任卿自此流言稍息

陳倉令薛景仙殺賊將克扶風而守之

秋七月賊兵寇扶風薛景仙擊破之

安祿山遣高嵩使河隴大震關使郭英乂斬之

祿山遣其將高嵩以敕書贈綵誘河隴將士英乂斬之

改扶風爲鳳翔郡

肅宗至德二載二月帝至鳳翔

九月遣使請上皇還京師

捷書至鳳翔上即日遣中使炎庭瑤奏上皇命左僕射裴冕入京師告郊廟乃宣慰百姓召李泌曰朕已表請上皇東歸朕當還東宮復修人子之職

冬十月帝發鳳翔

十二月上皇還西京

上皇至鳳翔命悉以甲兵輸郡庫上發精騎三千奉迎

上元元年六月羌渾寇鳳翔節度使崔光遠破之

代宗廣德元年冬十月吐蕃寇鳳翔鎮西節度使馬璘敗之

大歷三年九月鳳翔都將李晟屠吐蕃定秦堡吐蕃遁去

六年春二月專備隴坻

十年十月吐蕃寇隴州李抱玉馬璘等擊破之

德宗建中四年十月鳳翔衙將李楚琳殺節度使張鑑降於朱泚

張鑑爲鳳翔節度使帝幸奉天鑑罄家貲將自獻行

在而營將李楚琳者嘗事朱泚得其心軍司馬齊映等謀曰楚琳必爲亂乃遣屯隴州楚琳夜率其黨作亂殺鎰

十一月以韋臯爲奉義軍節度使

初朱泚鎮鳳翔遣將牛雲光戍隴州至是欲執留後韋臯以應泚事泚帥衆奔泚遇泚遣中使蘓玉齋詔書加臯中丞玉謂之曰韋臯書生也君不如與我俱之隴州臯不受命君以兵誅之雲光從之臯乃先納蘓玉受其詔書謂雲光曰大使苟無異心請悉納甲

兵乃可入雲光易之輸甲兵而入臯伏甲殺之盟將士曰李楚琳賊虐本使旣不事上安能恤下宜相與討之遣兄年僉詣奉天詔以隴州爲奉義軍擢臯爲節度使

德宗興元元年九月以李晟爲鳳翔隴右節度等使進爵西平王

貞元二年九月李晟遣兵擊吐蕃於汧城敗之

三年九月吐蕃寇隴州刺史韓清沔敗之

憲宗元和十四年春正月迎佛骨於鳳翔至京師

先是功德使奏鳳翔府法門寺有護國正身塔塔內
 有釋迦牟尼佛指骨一節其本傳以為當三十年一
 開開則歲豐人安至來年合發詔許之刑部侍郎韓
 愈上表切諫上怒將加極刑裴度崔羣言愈雖在發
 於忠懇宜寬容以開言路乃貶潮州刺史

文宗太和九年冬十一月李訓等謀誅中宦不克訓及
 舒元興王涯等皆死殺鄭注於鳳翔

鄭注將魏兵至扶風聞訓敗復還鳳翔監軍伏甲斬
 之滅其家

懿宗咸通十四年春正月迎佛骨於鳳翔

僖宗廣明元年十二月鳳翔節度使鄭畋合鄰道兵討
 賊

畋還鳳翔召將佐議拒賊皆曰賊勢方熾且宜從容
 以俟兵集乃圖收復畋曰諸君勸畋臣賊乎因悶絕
 仆地不能言會巢使者以詔書至監軍與之宴樂奏
 將佐以下皆哭使者怪之幕客靳儲曰以相公風痺
 不能來故悲耳民間聞者莫不泣畋聞之曰吾固知
 人心尚未厭唐賊授首無日矣乃刺指血為表遣使

詣行在召將佐諭以逆順皆聽命刺血與盟完城塹繕器械訓士卒密約鄰道合兵討賊鄰道皆許諾發兵時禁軍分鎮關中者尚數萬畋使人招之皆至軍勢大振巢遣人齎詔召畋畋斬之

中和元年春三月黃巢遣尚讓寇鳳翔都統鄭畋擊畋之

冬十月鳳翔行軍司馬李昌言作亂鄭畋赴行在

光啟元年十二月李克用大破朱玫於沙苑帝奔鳳翔十二月癸酉官軍合戰爲沙陀所敗朱玫走還邠州

神策軍潰散遂入京師肆掠乙亥沙陀逼京師田令孜奉僖宗出幸鳳翔

二年春正月田令孜劫帝如寶雞

帝避未致次陳倉詔拜孔緯御史大夫令趣百官至行在緯召御史曰夫食君之祿誼不辭難今詔羣臣皆不至且人與布衣游猶緩急相恤豈有天子蒙塵而臣子累召不往耶御史請辦裝數日而行緯曰吾妻疾日暮盡丈夫豈以家事後國事乎公善自謀吾行決矣

朱玫等追逼車駕帝復走八大散關

邠岐兵追逼乘輿田令孜奉土登大散嶺李昌符焚

閣道丈餘將摧折矣王建掖上自烟焰中躍過夜宿

坂下攻散關不克嗣襄王熅為玫所得與之俱還

鳳翔

三年春三月車駕至鳳翔

夏六月李昌符作亂詔李茂貞討之

李茂貞扈蹕東歸至鳳翔鳳翔節度使李昌符與天

威都頭楊守立爭道以兵相攻昌符不勝走隴州信

宗遣茂貞追擊殺昌符以功拜鳳翔隴右節度使

文德元年春二月帝至自鳳翔三月昭宗即位

二月己丑至自鳳翔庚寅謁於太廟大赦改元

昭宗乾寧四年六月以覃王嗣周為鳳翔節度使

天復元年冬十一月韓全誨劫帝如鳳翔

韓全誨聞朱全忠將至令李繼麟李彥弼等勒兵劫

上請幸鳳翔是日開延英全誨等侍側李繼筠遣兵

掠內庫寶貨法物全誨遣人密送諸王官人先之鳳

翔上遣中使召百官皆辭不至全誨陳兵殿前言於

上曰全忠欲劫天子幸洛陽求傳禪臣等請奉陛下幸鳳翔收兵拒之上不許拔劍登乞巧樓全誨等逼上下樓李彥弼卽於御院縱火上不得已與后妃諸王百餘人皆上馬慟哭而去李茂貞出迎上下馬慰接之還入鳳翔

朱全忠引兵至鳳翔城東而還

二年夏六月朱全忠圍鳳翔

全忠進軍鳳翔城下朝服嚮城而泣曰臣但欲迎車駕還宮耳不與岐玉角勝也遂爲五寨環之

九月李茂貞攻朱全忠營岐兵大敗

全忠以久雨士卒病議引兵歸河中指揮使高季昌

劉知俊曰天下英雄窺此舉一載矣今茂貞已困奈

何捨去全忠患茂貞堅壁不出季昌請募人爲謀入

城誘致之騎士馬景請行會朱友倫發兵於大梁將

至當出兵迂之全忠命諸軍秣馬飽士偃旂幟潛伏

營中寂爲無人景乃詐爲逃亡入城告茂貞曰全忠

舉軍遁矣獨留傷病者近萬人守營請速擊之茂貞

開門悉衆攻全忠營全忠鼓於中軍百營俱出縱兵

擊之又遣數百騎據其城門鳳翔軍進退失據自蹈
藉殺傷殆盡茂貞自是喪氣始議與全忠連和奉車
駕還京矣茂貞盡出騎兵於麟州就芻糧全忠穿虬
蜒壕圍鳳翔設大鋪鈴架以絕內外

以李茂貞爲鳳翔靜難武定昭武節度使
鳳翔食盡朱全忠奉表迎車駕

朱全忠遣幕僚司馬鄴奉表入城獻食物繒帛復遣
使請與茂貞連和修宮闕迎車駕上亦遣使齎詔賜
之鳳翔軍夜縋降汴軍者甚衆茂貞疑上與全忠有

密約增兵防衛是冬大雪城中食盡凍餓死者不可
勝計或臥未死肉已爲人所割茂貞儲待亦竭以犬
糞供御膳上鬻御衣及小皇子衣於市以充用

十一月保大節度使李茂勳救鳳翔朱全忠遣軍收鄜
坊茂勳降

三年春正月車駕發鳳翔出與軍夾文刻共大如
帝至自鳳翔

太天復三年正月己巳天子至自鳳翔素服哭於太廟
而後入殺宦者七百餘人

後梁

太祖乾化元年十一月蜀主自將擊岐兵大破之

蜀王宗弼王宗播再敗岐兵蜀主如興元安遠軍望

其旗王宗侃等鼓譟而出與援軍夾攻岐兵大破之

拔二十一寨斬其將李廷志等岐兵解圍遁去唐道

襲先伏兵於斜谷邀擊又破之

貞明元年十一月蜀遣兵攻岐劉知俊奔蜀

劉知俊攻霍彥威於邠州半歲不克聞秦州降蜀妻

子皆遷成都解圍還鳳翔懼及禍夜率親軍斬關奔

蜀軍

貞明二年冬十月蜀攻岐圍鳳翔

六年冬十一月蜀主遣兵侵岐不克而還

蜀主遣宗壽將兵伐岐攻隴州岐王自將屯汧陽蜀

將陳彥威敗岐兵於箭筈嶺蜀兵食盡引還

後唐

莊宗同光二年夏五月唐以李茂貞為鳳翔節度使

明宗長興三年秋八月以李從珂為鳳翔節度使

閔帝應順元年春正月以潞王從珂為河東節度使不

受從珂舉兵鳳翔

朱弘昭馮贇謀徙潞王從珂爲河東節度使遣使監
送赴鎮將佐皆曰離鎮必無全理乃移檄鄰道言朱
弘昭等專制朝權懼傾社稷今將入朝以清君側以
西都留守王思同當東出之道遣郝詡等詣長安說
以利害餌以美妓思同謂將吏曰吾受明宗大恩今
與鳳翔同反借使事成而榮猶爲一時之叛臣况事
敗而辱流千古之醜迹乎遂執詡等以聞時潞王使
多爲鄰道所執唯隴州防禦使相里金傾心附之

二月遣兵討鳳翔官軍降潰

諸鎮合兵圍鳳翔城塹卑淺守備俱乏衆心危急從
珂登城謂外兵曰吾從先帝百戰出入生死金瘡滿
身以立今日之社稷汝曹曰觀其事今朝廷信用讒
臣離間骨肉我何罪而受誅乎因慟哭聞者哀之楊
思權遂帥諸軍解甲投兵請降於從珂亂兵悉入外
軍亦潰思同等六節度使皆遁去

後晉

高祖天福三年冬十一月鳳翔軍亂討平之

鳳翔節度使李從曦厚文士而薄武人愛農民而嚴士卒由是將士怨之會發兵戍西邊作亂剽掠從曦發帳下兵擊之亂兵敗走至華州鎮國節度使張彥澤邀擊盡誅之

後漢

高祖天福十二年十二月漢鳳翔節度使侯益叛降於蜀

隱帝乾祐元年二月漢以王景崇爲鳳翔巡檢使

景崇引兵至鳳翔侯益尚未行景崇以禁兵分守諸門或勸景崇殺益景崇以所受密旨嗣王未之知或疑於專殺猶預未決益聞之不告景崇而去景崇悔之及益入朝廢帝問何故召蜀軍對曰臣欲誘致而殺之帝哂之

三月徵鳳翔兵詣闕行至長安軍校趙思綰據城作亂侯益至京師陰以事中王景崇景崇心不自安會詔遣供奉官王益知鳳翔徵趙匡贊牙兵詣闕趙思綰等甚懼景崇因以言激之至長安節度副使安友規出迎益思綰前白曰壕寨使已定舍館於城東將士

重修鳳翔府志 卷之二十一
欲入城挈家詣城東宿友規等然之思綰等大譟持
白挺殺守門者入府開庫取鎧仗友規等皆逃去思
綰遂據城集少年四千餘人作亂景崇諷鳳翔吏民
表已知軍府事朝廷患之以王守恩爲永興節度使
趙暉爲鳳翔節度使以景崇爲邠州留後
八月蜀兵援鳳翔漢人擊敗之

冬十月趙暉圍王景崇於鳳翔蜀遣兵救之不克
景崇遣兵出西門趙暉擊破之遂取西關城景崇退
守大城暉塹而圍之數挑戰不出暉潛遣千餘人環

甲執兵效蜀旂幟循南山而下令諸軍聲言蜀兵至
矣景崇果遣兵數千出迎之暉設伏掩擊盡殪之自
是景崇不敢出蜀主遣安思謙將兵救鳳翔思謙遣
申貴將兵二千設伏於竹林以兵數百壓寶雞而陳
漢兵逐之遇伏而敗進屯渭水漢益兵五千戍寶雞
思謙引還

十一月蜀兵救鳳翔敗漢兵漢郭威引兵赴之蜀兵引
還

王景崇告急於蜀蜀主命安思謙再出兵救之進屯

散關敗漢兵趙暉告急於郭威威自往赴之至華州
聞蜀兵食盡引去乃還

十二月漢趙暉攻鳳翔王景崇自殺

三年春漢遣使收瘞鳳翔遺骸

後周

世宗顯德二年夏五月遣鳳翔節度使王景伐蜀

宋

高宗建炎二年

金太宗天會六年

二月金人寇熙河都監劉惟

輔逆擊於新店破之隴右都護張巖追戰五里坡敗

死

金婁室陷永興鼓行而西引兵犯熙河惟輔以精騎
二千夜趨新店金人恃勝不虞黎明軍進惟輔舞稍
刺其帥黑鋒洞胛墮馬死深更張巖追及鳳翔至五
里坡遇婁室伏兵戰不利死之

建炎四年

金太宗天會八年

冬十一月張浚遣吳玠守和尚原

以拒金

浚退保興州堅駐不動以拒敵衝遣叅議子羽出關
召集散亡子羽因遣吳玠聚兵扼險於鳳翔之和尚

原斷賊來路

高宗紹興元年

金天會九年

冬十一月金人寇和尚原吳玠

及其弟璘大敗之

玠保和尚原為死守計金將設立自鳳翔烏魯折合

自階成出散關約會和尚原先後索戰玠命諸將堅

陣待之更戰迭休兩軍終不得合金人輒敗憤甚謀

必取玠於是兀朮會諸道兵自寶雞結連珠營夾澗

與官軍拒攻和尚原玠與弟璘勁弩迭射命諸將以

奇兵旁擊絕其糧道度其困且走設伏於神垵以待

敵至伏發遂大亂因縱兵夜擊大敗之

紹興十年

金天眷三年

六月吳璘敗金人於扶風復其城撤

離喝走鳳翔

撤離喝使鶻眼郎君以三千騎衝璘軍璘使李師顏

以驍騎擊走之鶻眼入扶風復攻拔之獲三將及女

真百十有七人撤離喝還走鳳翔

紹興三十一年

金正隆六年

秋九月金人犯黃牛堡吳璘等

敗之遂復秦隴洮三州

金徒單合喜將五千騎扼大散關遊騎攻黃牛堡璘

言修鳳翔元 卷之二 三
馳至殺金平駐軍青野原益調內郡兵分道而進以
援黃牛遣別將彭青至寶雞渭河夜擊橋頭寨破之
遂復三州

紹興三十二年金大定二年閏二月吳璘復大散關分守和

尚原金人走寶雞

冬十二月詔吳璘班師

金以重兵扼鳳翔爭吳璘新復十三州三軍璘亟馳
德順以備之已而金蒲察世傑率師十萬來攻璘力
戰拒之時議棄三路遂詔班師

寧宗開禧二年金泰和六年十二月金人入大散關吳玠還

興州

曦聞金兵至因撤驀關之戍完顏綱以金主璟命立
曦爲蜀主曦密受之遂還興州王翼楊駮之曰相公
忠孝八十年門戶一朝掃地矣曦曰吾意已決卽獻
蜀地圖及吳氏譜牒於金

開禧三年金泰和七年三月安丙使興州將李好義等復大
散關

夏四月金人復陷大散關

寧宗嘉定元年金泰和八年夏六月金人來歸大散關

嘉定十一年金興定二年二月金人焚大散關入阜郊堡

夏四月金兵合長安鳳翔之眾復犯大散關守將王立遁又犯黃牛堡都統吳政拒劫之至大散關執立斬之以徇

嘉定十二年金興定三年春正月金人復入黃牛堡吳政拒

戰死之

理宗寶慶三年金正大四年秋七月蒙古自鳳翔侵京兆

理宗紹定四年金正大八年春正月蒙古圍金鳳翔夏四月

克之

蒙古圍鳳翔府金行省合達蒲阿逗遛不進金主遣

樞密判官白華往諭之合達蒲阿言北兵勢盛不可

輕進白華還金主復遣諭以鳳翔圍久恐守者不能

支可領軍出關畧與渭北軍交手計北軍聞之必當

奔赴少紓鳳翔之急合達蒲阿乃始出關行至華陰

界與渭北軍交戰比晚收軍入關不復顧鳳翔矣蒙

古遂取鳳翔合達蒲阿遷京兆民於河南使完顏慶

山奴戍之

元

英宗至治二年春三月鳳翔道士王道明妖言伏誅
順帝至正十七年冬十月宋將白不信等破興元遂圍
鳳翔元察罕帖木兒等兵擊走之

不信等既陷秦隴遂窺鳳翔察罕帖木兒卽先分兵
入守鳳翔城而遣謀者誘不信圍鳳翔凡數十重察
罕帖木兒自將鐵騎晝夜馳二百里往赴比至去城
五里所分軍張左右翼掩擊之城中軍亦鼓譟而出
內外合擊呼聲動天地不信等大潰及李喜喜皆遁

入蜀

明

太祖二年三月常遇春克鳳翔

元將李思齊據鳳翔遇春兵至思齊奔臨洮

二年八月元將賀宗哲寇鳳翔

時指揮使金興旺與知府周煥嬰城守敵編荆爲大
箕形如半舫五人負之攻城矢石不能入投藁焚之
輒颺起乃置鉤藁中擲著其隙火遂熾敵棄箕走復
爲地道薄城攻不已會百戶王輅收臨洮降卒還入

城共守敵拔營去衆欲追之輅曰未敗而還誘我也
偵之至五里坡伏果發還師復圍城衆欲走興旺叱
曰天子以城畀我豈可去耶乃括城中貲令曰敵退
當大犒新兵因協力固守持十五日敵聞慶陽下乃
引去

莊烈愍帝崇政七年六月李自成復陷隴州

先是川兵扼巴西諸險賊無所得乞降於竒瑜凡數
萬人竒瑜專事安撫檄諸軍按甲不動每百人以一
官護之所過郡邑具糗糧傳送賊甫出峽卽大譟盡

殺護官五十員攻城陷麟遊等處勢不可遏矣

八年六月賊復走陝西總兵官曹文詔等戰死

初承疇出關至信陽諸將畢會賊見河南兵盛復分
路奔還陝西張獻忠由英霍取道麻城入陝會高迎
祥李自成於鳳翔副將艾萬年柳國鎮等戰歿文詔
墳盛以三千人戰真寧之湫頭鎮斬首五百追北三
十里賊伏數萬騎合圍文詔徒步轉鬪與遊擊平安
等二十餘人皆死賊乘勝掠地火照西安城中洪承
疇自汝州還救

十六年九月李自成復陷鳳翔屠之

高傑聞賊至走延安為賊所追折而東渡河入蒲津以守賊分兵四掠所至風靡乃詣米脂祭墓以五百騎按行鳳翔守將誘而殲之自成怒親攻鳳翔陷之屠其城

國朝

順治七年九月陝西督撫會

題奉

旨恩准豁免西延鳳漢興等府州屬無著荒地一十二萬

六千三百九十八頃六十四畝零逃亡丁五十九萬四千三十零

順治八年十月陝西督撫會

題奉

旨恩准豁免西延鳳漢興等府州屬荒地一萬四千七百四十八頃七十一畝零

康熙八年正月陝西督撫會

題豁免鳳翔府屬郿縣山水衝決地七十三頃七十四畝零

五月豁免西鳳漢興四屬均徭銀二千七百五十六兩零

康熙十五年五月

恩蠲歷年拖欠並被陷失耕地土錢糧

康熙十六年編審案內奉

旨豁免西延鳳三府殺傷人丁一千零

鳳翔府志卷之十二

祥異雜記

夫五行與五事相表裏故災祥之見載筆者必備舉之凡以昭天道明人事也鳳郡自往昔來祥固屢徵災亦迭見謹而誌之烏容已焉至若詭奇軼事雖與人道得失無關然或可備輶車之採或可佐稗官之缺見見聞聞事皆從實夫豈若談天誌怪之說乎志

祥異雜記

祥異

帝乙八祀周文公元年有鳳集於岐山竹書

幽王二年川竭岐山崩周語

平王二十四年秦文公十九年得陳寶史記秦本紀索隱曰

太康地志云秦文公時陳倉人獵得獸若玃不知名

牽以獻之逢二童子童子曰此名為媼常在地中食

死人腦卽欲殺之拍撞其首媼亦語曰二童子名陳

寶得雄者王得雌者霸陳倉人乃逐二童子化為雉

後序

志者何記也記其事與其人也邑有乘國有史府何以

志以邑之人與事不免於繁國之人與事第撮其畧惟

府採屬邑之要而備邦國之選烏得不志鳳郡為成周

故地秦漢名區山川人物風俗政化歷代紀載具詳惜

其屢遭兵燹舊策淪亡前明萬歷中海一王公博採散

佚始輯成志暨監司梁公桑公

國朝郡守朱公先後繼修為綱為目大旨燦如也歷今又

一甲子往事多湮來者懸待且舊版字跡模糊魚魯難

辨閱者不無掩卷之嘆辛巳冬我

郡憲達公移守是邦公以周召才膺分陝寄治鳳不三載而百度維新爰檢郡志喟然曰斯志也由周而來數千餘載制度之叠更改教之隆替風俗之淳漓人物之賢否其間陵谷變遷豐凶靡常災祥迭異凡所以維風化勵人才察氣數而補人事者莫不於斯是攷可聽其往有遺而來莫續乎乃命鰲總其事參軍余君剛董其役八邑僚彥共相探討缺者補訛者正冗者汰畧者詳公復親為釐定刪繁歸約去華就實以仰副

雌上陳倉北坂為石

本紀注

漢

元狩元年上郊雍獲一角獸蒼麋然有司曰陛下肅祇郊祀上帝報享錫一角獸蓋麟云史記武又扶風五

色雲見

征和四年二月丁酉隕石於雍二聲聞四百里

漢書武帝本紀

元康二年夏神雀集雍

宋書符瑞志

成帝時雍大雨壞郿縣平陽宮垣災林光宮門

郊祀志

後漢

章帝建初七年十月車駕西巡得白鹿於臨平觀車駕

西巡至槐里右扶風禁上美陽得銅器於岐山似酒

尊詔在道晨夕以為百官熟酒宋書符瑞志

元興元年五月癸酉右扶風雍地裂五行志

安帝永初元年八月戊申客星在東井弧星東井弧皆

秦地是時羌反斷隴道是其應也天文志

延光二年岐州地大震岐山有聲

三年六月辛未扶風言白鹿見雍安帝本紀


桓帝建和四年六月右扶風地震五行志

至天子慎重史乘之意始於乙酉秋成於丙戌夏棗黎剝剝

費近千金悉捐官俸民無絲毫累後之士大夫覩斯志

也可以驗公之政而知公之志矣

乾隆三十一年丙戌秋八月知鳳翔縣事盱江羅鰲跋



七年三月癸亥隕石右扶風一有聲如雷

五行志

靈帝建寧二年十月戊戌晦日有蝕之右扶風以聞

五行志

獻帝初平四年六月右扶風雨雹如斗大風發屋拔木

五行志

十二年長星隕於五丈原營中諸葛武侯卒

晉

武帝太始八年十月白鹿見扶風雍州刺史嚴詢獲以獻

太康元年十二月嘉禾生扶風雍木連理生扶風

十年六月嘉禾生扶風雍一莖四穗是歲收三倍

惠帝元康七年七月秦雍二州隕霜殺禾大旱疾疫

十年五月秦雍二州疾疫

穆帝永和十一年蝗虫大起自華澤至隴山食百草無

遺

北魏

太和元年六月雍州周城縣獻白兔

世宗景明三年九月丙辰幽岐梁東秦州暴風昏霧拔

樹發屋

靈徵志

正始二年七月辛巳幽岐二州隕霜

孝明帝正光二年八月雍岐地震

延昌四年岐州獻白雉

靈徵志

肅宗熙平二年正月金出岐州橫水縣赤粟谷

靈徵志

孝昌元年春隕星於岐如雨

靈徵志

北周

武帝保定五年十一月岐州上言一角獸見

周書武帝本紀

建德二年三月己卯皇太子於岐州獲二白鹿以獻詔

答曰在德不在瑞武帝本紀

隋

文帝開皇二十年十一月京都大風發屋拔樹秦隴壓死者千餘人地大震鼓皆應淨刹寺鐘三鳴佛殿門鎖自開銅像自出戶外鐘鼓自鳴者近鼓妖也

仁壽二年四月岐雍地震京房易飛侯曰地動以夏四月

月五穀不熟人大饑五行志

仁壽中仁壽宮及長城之下數聞鬼哭獻后及帝相次而崩於仁壽宮

煬帝大業十一年扶風有馬生角長數寸

恭帝義寧二年麟遊太守司馬武獻羊羔生而無尾時

議者以謂楊氏子孫無後之象

唐

高祖武德元年五月隴州獻嘉麥冊府元龜

太宗貞觀三年秋隴州水唐書五行志

高宗永徽五年五月丁丑夜大雨麟遊縣山水衝萬年

宮元武門入寢殿衛士有溺死者五行志

七月辛巳萬年宮有小鳥如雀生子大如鴟鳩

顯慶二年五月庚寅有五龍見於岐州之皇后泉五行志
儀鳳三年五月丙寅高宗在九成宮霖雨大寒兵衛有

凍死者五行志

永淳元年六月雍岐隴等州蝗五行志

中宗景龍二年岐州郿縣王尚賓家有苦蕒菜高三尺

餘上廣尺餘厚三分近草妖也

睿宗先天二年岐隴飢

元宗開元八年十二月岐州獲白燕獻之

二十五年隴州鵠哺慈鳥

肅宗即位釋元皎於鳳翔開元寺置御藥師場忽於法

會內生一叢李樹有四十九莖元皎等表賀帝喜曰

此大瑞應答勅云瑞李繁滋國之興兆生在伽藍之

內足知覺樹之榮感此殊祥與師同慶

代宗大歷八年五月丁丑鳳翔府上言天興縣嘉禾生

一莖二穗

十月丁卯鳳翔獲白鼠獻之

十一月鳳翔府上言天興縣禾生一莖三穗

九年四月甲午隴州獲白鵠一獻之一莖兩穗

十月辛卯鳳翔府上言天興縣禾生一莖兩穗

十年三月鳳翔府獲白雀一獻之一莖三葉

十三年七月岐山天鼓鳴

德宗興元十五年七月鳳翔府雞足山慶雲見

文宗開成元年夏鳳翔麟遊縣暴雨水毀九成宮壞民

舍數百家死者百餘人

僖宗廣明元年正月鳳翔寺處地震岐山崩

光啟二年春鳳翔郿縣女十未齒化為丈夫旬日而死

四月僖宗在鳳翔馬尾皆咤蓬如雪咤怒象七月鳳

翔麟遊草生如旗狀占曰其野有兵

昭宗天復二年帝在鳳翔十一月丁巳日南至夜驟風

有鳥數千迄明飛噪數日不止自車駕在岐常有鳥

集數萬棲殿前諸樹岐人謂之神鴉

昭宗遷於鳳翔朱梁率諸道甲馬奉迎車駕時侯王

將帥在岐下者皆以珠顆盤幘脚貫以銀線而簪之

又軍人咸以珠飾巾競相誇尚及朱梁篡位乃知朱

已居人上者久矣

五代晉

天福二年鳳翔節度使李繼曠遣使獻白兔二云得於岐陽舊縣

宋

太祖建隆二年七月己卯隴州進黃鸚鵡

玉海

太宗太平興國九年七月鳳翔青楊木連理

玉海

雍熙二年鳳翔奏岐山縣周公廟有泉湧舊老相傳時

平則流時亂則竭唐安史之亂其泉竭至大中年復

流節度使崔珙上其事賜號潤德泉後又涸今其泉

復湧澄甘瑩潔太宗嘉之

湖山野錄

淳化元年鳳翔京兆府乾同等州旱

五行志

四年十二月隴州獻白鷹

玉海

真宗大中祥符七年二月鳳翔府天慶觀甘露降

五行志

八年七月鳳翔府言麥二岐又獻芝草合歡瓜

玉海

九年九月知鳳翔府趙湘獻嘉禾圖

五行志

仁宗皇祐五年三月岐山大旱無禾

神宗熙寧九年十月天興寶雞二縣麥秀兩岐仍一本

官有三四穗或五六穗者

五行志

元豐四年鳳翔府鳳州飢

徽宗大觀四年二月秦鳳飢

宣和五年夏秦鳳路旱

金

宣宗貞祐四年五月鳳翔扶風岐山郿縣蝨虫傷麥七月旱

月旱

哀宗正大六年六月隴州節度使石抹冬兒進黃鸚鵡

元

世祖至元三年十二月鳳翔旱

十年八月寶雞縣劉鐵牛妻一產三男

十三年岐山星隕如雨潤德泉涸

十七年潤德泉復湧出如故

二十六年十一月鳳翔屯田大水

成宗大德三年十月隴陝蝗

八年六月扶風岐山寶雞三縣旱

十一年地震岐山崩

仁宗皇慶二年有五色鳥巢於周公廟白楊樹上守臣

普顏帖木兒奏聞

延祐元年三月隴州霜殺桑無蠶

五年四月鳳翔府雨雹傷麥禾

英宗至治二年六月奉元郿縣水

泰定帝泰定二年二月鳳翔路飢

四年七月鳳翔府岐山等縣野坊 害稼

八月鳳翔興元同日地震

致和元年四月鳳翔岐山縣蝗無 麥苗

文宗天歷二年十月鳳翔府大饑

至順元年七月鳳翔麟遊隕霜殺 稼

順帝至正二年潤德泉涸

七年鳳翔岐山旱

十八年鳳翔岐山縣春夏皆大旱 岐山人相食

十九年鳳翔大旱

二十年七月鳳翔岐山蝗

二十四年秋九月潤德泉復出

二十五年九月鳳翔岐山縣蝗



洪武二年三月寶雞進瑞麥

永樂三年七月鳳翔縣進瑞麥

永樂十年隴州飢

永樂十二年隴州飢

永樂末年郡縣產麒麟守臣上貢至畿內安肅塞焉疾

城北道左封土名麒麟塚

宣德二年郡大旱民飢

宣德六年四月隴州大水廬舍學宮漂沒

成化八年七月隴州大風雨雹有如牛者州之北山吼

三日裂成溝長半里

二車野錄

成化十一年岐山潤德泉涸

成化二十一年郡大旱流亡殆盡

二十二年岐山大飢斗米萬錢

弘治五年三月隴州甘露降

萬七年郡縣地震者二

十五年九月十五日岐山風雷交作潤德泉復出

十七年郡縣雨雹傷稼

正德二年岐山大旱民皆流移

正德十六年四月鳳翔府甘露降

嘉靖七年郡大旱斗米千錢人相食

八年蝗自東來群飛蔽天十二月鳳翔地震如雷壓
死數十萬人

三十四年岐山地大震公署房舍皆傾倒民多壓死
隆慶三年正月鳳翔府地震二次有聲

四年寶雞地震

萬歷十一年郿縣大飢流離遍野

十三年鳳翔大飢斗米千錢餓殍載道至十七年始
熟

十六年岐山潤德泉涸二月初三日申時郿縣晦暗

如漆抵面不見良久見星

二十一年郿城內外井聞轉石聲數月乃止

二十三年鳳翔地震五月麟遊縣烽火臺雨雹大如

斗

三十二年九月十一日寶雞夜半忽東西斷裂南北

天若疋練食頃復合十三日地震

四十年八月鳳翔袁餉家地產嘉禾一莖數穗者數

百本

四十四年六月十九日大雨古城堡東衝爲壑漂沒

重修鳳翔府志 卷之三
三
寺廟人民

萬歷間龍見郿縣新寨隱沒雲端一出戴家墳樹雷火
爆裂又張价家豕產象不育

天啓二年鳳翔八月地震有聲

四年岐山潤德泉復出

崇正三年鳳翔西街民家豬產象隨死

五年隴州大飢

六年鳳翔夏旱秋無禾大飢民食樹皮

八年鳳翔雨灰三日

九年鳳翔府學前有烏鴉集地數萬爲陣方能應矩

十年三月十四日鳳翔蝗飛蔽天

十一年二月鳳翔蝻生食麥六月蝗食禾大飢岐山

潤德泉涸

十二年鳳翔大鼠成羣食牛人人腹食嬰兒見骨四

月有星隕於鳳翔袁画師冢不及地旋轉如冶金良

久漸高飛去照數十里扶風天鳴有火光遺蝻遍野

十三年大旱蝗歲飢人相食

十四年鳳翔大飢疫起居民間室盡斃至野無烟

十五年三月鳳翔陰霾雨土日無光冬西街民家豬
 產子二首一身背上復有四蹄是年渭河清半月零
 東至郿縣界西至寶雞陽平鎮
 十六年秋鳳翔縣鸚鵡大至棲城樹皆滿旬日乃去
 扶風遍地生鼠有大如貓者
 十七年夏鳳翔縣鸚鵡又至如前



順治二年正月鳳翔天鼓鳴七月又鳴

五年鳳翔鸚鵡至春地震秋不雨冬無冰

六年秋七月鳳翔縣蝗九月岐山潤德泉復湧出

八年隴州南原里麥秀兩岐

十一年夏四月鳳翔大雪盈尺果樹皆折死六月初

七日地大震復微震者近月

十二年鳳翔天雨菽麥豌豆四月岐山大雪殺禾

十三年八月郿縣冰雹起南山過渭抵北山秋禾多

損

十四年春旱又三四月隕霜雨水扶風天鼓鳴

十六年夏四月鳳翔野多妖青白晝擲瓦壞人飲

食是歲九頭鳥過聲若笙簧
十八年郿縣大雨雹傷人畜甚多損禾三百餘頃

康熙元年秋七月大雨渭水沒民田舍

四年元旦鳳翔大風秋雨雹如斗

六年隴州吳山卿雲見

七年郿縣霖雨數十日平地大水傍渭及山河衝地

甚多

十三年八月三十日隴州地震

十八年鳳翔饑

三十年鳳翔大旱民取草根木皮屑食又寶雞蝗自

東來蔽天集樹樹有爲之折者

三十一年饑饉大疫

三十二年鳳翔東鄉北光瑤麥穗兩岐及三四岐秋

禾生兩岐又扶風秋雨菽大熟

三十四年地震大有年斗麥錢二十文

三十七年大有年

四十三年隴州地震州治民舍悉倒相公山傾壓死

男婦無數

四十七年地震

五十七年鳳翔歲歉地震

六十年鳳翔府旱

雍正元年夏秋大有年

二年夏秋大有年

三年夏秋大有年穀禾有一莖二三穗者

六年夏秋大有年

七年七月十六日寶雞異風捲沙霧二道一上大下小一下太上小兩尖相接盤旋自城西轉東而散有

頃飛沙雨麥

九年夏秋大有年

乾隆十三年春三月鳳翔府屬隕霜殺麥大饑

十七年四月寶雞有赤氣如疋絳自西北過東南長

數尋高四五丈秋旱傷稼

三十年七月初一日卯刻地震十八日辰刻又震

申刻又微震

雜記

扶風田者見河岸土崩鑿之得一銅器狀如盂高八

寸圍徑六寸乳周其體中有古文莫能辨識醫師席
姓出千錢易之徧詢博古家曰此殷之乳彝也古文
爲祖丁二字

贗

政和間李朝孺爲陝西轉運遣人於鳳翔府破商比

干墓得銅盤徑二尺餘中有款識二十六字

畢莊漫錄○按

何比干係漢平陵人此或何墓云商者誤

歐文忠曰十鼓之文可見者四百六十五字不可識
者過半卽韓歌所謂牧童敲火牛礪角年深豈免有
闕訛者也其可曉者有曰我車旣攻我馬旣同者車

攻語也有曰其魚維何維魴及鯉何以標之惟楊及

柳則兼記田漁也凡數語可讀者蘇文忠所謂衆星

錯落僅名斗者也

蘇錄

右石鼓文周宣王之獵碣也唐

自貞觀以來蘇勗李嗣真張懷瓘竇泉竇蒙徐浩咸

以爲史籀筆蹟虞世南歐陽詢褚遂良皆有墨妙之

稱杜甫八分小篆歌叙歷代書亦厠之倉頡李斯之

間其後韋應物韓愈稱述爲尤該至歐陽修作集古

錄始設三疑以韋韓之說爲無所考據後人因其疑

而增廣之岐陽石鼓文有謂爲周宣王獵碣者惟董

程二氏以左傳成有岐陽之蒐證之皆鑿鑿有據其畧云考之書天子大蒐會諸侯施命令非常事也史不得無書若宣王蒐岐卽周史失之列國不得並逸何後世無聞焉則爲成王信矣郭宗昌周岐陽石古文跋又鼓有十因其石之自然粗有鼓形字刻於其旁石質堅頑類今人爲碓磴者其初散在陳倉野中韓吏部爲博士時請於祭酒欲以數橐駝輿致太學不從鄭餘慶始遷之鳳翔文廟五代之亂又復散失司馬池知鳳翔復輦至於府學而亡其一皇祐四年向傳師按訪

而足之

王厚之跋岐陽石鼓文後

終南古敦銘蘇軾爲鳳翔府判官得古器於終南山下其形制與今三禮圖所畫及人家所藏古敦皆不同其銘有寶尊敦之文遂以爲敦耳六一題跋

秦武公作羽陽宮在寶雞縣界元祐六年正月直縣門之東百步居民權氏瘠地得古甬銅瓦五皆破一獨完面徑四寸四分面隱起四字曰羽陽千歲篆字

澠水燕談錄

詛楚文有三告巫咸文在鳳翔東坡鳳翔八觀詩嘗

紀其事舊在府廨徵歸御府述秦穆公與楚成王相
好及熊相倍十八世詛盟之罪以史記世家年表考
之秦自穆公十八世至惠文王與楚懷王同時此詛
為懷王也王厚之書
詛楚文後

貞觀元年太宗命闢立本圖寫功臣二十四人於凌
烟閣御製贊詞令褚遂良書焉宋游師雄得其本於
蒲華間行部過九成宮見遺石頗多遂命邑令闢上
功刻於縣庠今舊刻止存七人麟遊縣志

鳳翔府岐陽鎮法門寺塔下層有石芙蓉工製精妙
每芙蓉一葉上刻一施金錢人姓名殆數千人宮女
姓名為多如曰張好好李水水之類與慈恩寺塔塼
上所書同聞見後錄

漢傅毅扶風茂陵人永平中於平陵習章句因作迺
志詩漢詩評

馬嵬佛堂丞相鄭畋為鳳翔從事時題詩曰終是聖
朝天子事景陽宮井又何人觀者以為真輔國之句

關史

宋高宗養鸚鵡數百一日問之曰思鄉否鸚鵡曰思

鄉遂遣還隴山後數年有使臣過隴山鸚鵡問曰上皇安否使臣曰已崩矣皆悲鳴不已使臣賦詩曰隴口山深草樹荒行人到此斷肝腸耳邊不忍聽鸚鵡

猶在枝頭說上皇開居筆記

孫太初年十八入終南繼入太白山嚼草木居息大

石崖上時有所得赤脚散髮走最高峰持古松根叩

巨竒石以歌山樓志

趙岐娶扶風馬敦女宗姜敦兄子融外戚豪家岐嘗鄙之與其友書曰馬季常雖有名當世而不持士節

三輔高士未曾以衣裾撤其門州府元龜

田游巖入太白山高宗幸其門謂曰先生此中佳否

答曰臣所謂泉石膏肓烟霞痼疾

秦穆公出狩天震大雷下有火化為白雀啣丹書集

公車曰秦伯霸尚書中侯

李道咸通末為鳳翔府士曹因推發掘塚賊問其所

發云為盜三十年咸陽之北岐山之東古塚皆開發

嘗入一塚自挺道直下三十餘尺得一石門門內箭

出不已如是百餘發不復有箭以物撞開之一盜先

八俄爲輪劍所中死門內十餘木人周轉運劍其疾如風勢不可近以木橫拒之機關遂定盡拔去其刃因至其中但見帳幄儼然芻褥舒展遍於座上有漆燈甚明木偶人與姬妾皆偶去地丈餘有皮裹棺柩鐵索懸挂焉以不撞之纜動其棺卽有砂流下如水逡巡不可止流溢四面奔馳出門砂已深二尺餘良久視之砂滿塚內不可復入竟不知何人之墓又一墓在咸陽原上旣入得鏡兩面可照人鼻在側畔背面瑩潔如新磨畢以面照之如常無異以背照之形狀備足衣冠儼然而倒立也

錄異記

郭忠恕善畫屋木林石郭從儀鎮岐下每延止山亭張素設粉墨於傍經數月忽乘醉就圖之一角作遠山數峯而已郭珍惜之岐有富人主官酒酤其子善畫日給醇醪設几案絹素及好紙數軸屢以情言忠恕俄取紙一軸畫一小童持線車紙窮處作風鳶中引一線長數丈富家子不以爲竒遂謝絕

圖畫見聞誌

范純甫官鳳翔時年尚少家人每見其卧齋中忽礮起著公服執手板危坐久之率以爲常竟莫識其意

常從容問之答曰吾時忽念天下安危事以天下安
危為念豈可不敬耶墨客揮犀

秦穆公時扶風獲一石佛公不識置馬廐中由余往
觀之曰此佛也穆公取安清淨處墨池浪語

穆公女弄玉有容德蕭史燒水銀作粉與塗名飛雲

丹天祿餘識

秦文公出獵獲黑龍此水德之瑞於是更命河曰德
水

後漢扶風馬融勤學夢見一林花如繡錦夢中摘花

食之及寤見天下文詞無所不知時人號為繡囊武陵

記

北周明帝為岐州刺史公堂上時有圓雲若葢五色
相間經時而滅州人以為其下有寶器韋敬遠獨曰

此天子氣也及閔帝廢迎立之嘉蓮燕語

後周武帝時有強練者岐山人佯狂號曰強練冢宰

晉國公宇文護未敗之日強練執一瓠到其門前撲

破之云瓠破憐你子苦護被殺護之諸子皆楚毒而

卒時臯公侯龍思兄弟被冢宰寵遇燻灼當時強練

度其門思妻媪等遣婢呼八為設飲食察其言語練謂思等云與我作婢眾媪大笑練又云作婢會不免他人將去安能勝我未幾家宰誅思兄弟亦同被戮

廣古今五行記

扶風竇寬家於梁山太和八年罷職歸治園屋命家僕伐一樹有血滂流汪然注地食頃而盡寬知為怪由是閉門絕人事至明年鄭注李訓反寬與注連遂死於左禁軍中宣室志

鄭注鎮鳳翔日有草如茵生於紫金帶上注喜謂芝

瑞注又嘗置藥篋藥化青蠅數萬飛去注頗惡之未

踰月被誅杜陽雜編

太白山居士郭體以繩係一鐵片子鳥獸聞之即集

庭下名曰喚鐵開元遺事

九成宮甃瓦堅潤倍石完好者磨之為硯可方銅雀

麟遊縣志

李識諫議知鳳翔既卒有蝴蝶數萬自殯所以至府

宇蔽映無下足處府官祭奠接武不相辨揮之不開

踐踏成泥其大者如扇逾月方散癸辛雜識

鳳翔知客郭璩其父曾主作坊將解一木其間疑有
 鐵石鋸不可入遂以新鋸兼焚香祝之其鋸乃行及
 破木文有二馬形一黑一赤相齧其口鼻鬃尾蹄脚
 筋骨與生無異聞奇錄

東坡題鳳翔東院王畫壁云嘉祐癸卯上元夜來觀
 王維摩詰筆時夜已闌殘燈耿然畫僧踽踽欲動恍
 然久之東坡題跋

寶雞縣有獨角獸樵者見其卧林間或搏虎而食之
 食輒餘其半山家每得殘虎以飽又云南山有鱗嘯

氣成雲人入其中輒僵陳貞父宗雜錄

東坡云永樂有無核棗人不可得予在岐下亦得食

一枚蘇東坡集

郿縣河灘上有亂石隨手碎之中有石魚可長二三

寸天然鱗鬣或雙或隻不等云藏衣笥中能辟蠹魚金臺

紀聞○按石魚出汧陽或郿亦有之

貞元中有韋自東嘗遊太白山樓止段將軍莊段素

知其壯勇一日眺望山谷段將軍曰昔二僧居山頂

聞樵者說僧為怪物所食又聞人說有二夜叉亦無

人敢窺自東怒曰今夕必挈夜叉首至門下遂仗劍奮衣捫蘿躡石至精舍見佛堂內細草茸茸似有巨物偃寢四壁多挂野蕪元熊或庖炙之餘自東度夜叉未至遂拔栢樹徑如碗為杖扇其戶以石佛拒之夜未分夜叉挈鹿而至怒其扇鑄大叫以首觸門折石佛而踏於地自東以栢樹搥其腦死而拽之入室又闔其扉頃之復有夜叉繼至亦哮吼觸扉復踏於戶闔又搥之亦死遂掩關烹鹿而食及明斷二夜叉首示段段大駭曰真周處之儔矣

太平廣記

金星之精墜於終南圭峰之西因號為太白其精

之為三石狀如美玉時有紫氣覆之

錄事記

陳子昂嘉祥主知鳳翔東坡初擢制科簽書郎官事

蘇賢言左強怒巨府判官何賢良也杖其吏

見

錄

武都道有怒特祠上生梓樹文公使人伐之輒有

大風雨樹剝隨合有一人傷足不能行卧樹下聞有

鬼語樹神曰素若使人披髮以朱絲繞樹赭衣灰塗

伐汝汝得不困耶樹神無言明日病人語文公如其

言伐樹斷中有一青牛出走入豐水中其後牛出豐水中使騎擊之不勝有騎墮地復上髮解牛畏之入不出故秦自是置髦頭騎錄異

晉扶風楊道和夏於田中值風雨至桑樹下霹靂下擊之道和以鋤格折其肱遂落地不得去唇如丹目

如鏡毛角長三尺餘狀如六畜頭似獼猴搜神記

隴西有辛道度者游學至雍城西見一宅有青衣女子在門道度詣門下求食女子入告俄出引道度入見一女曰我秦國王女今日君來願為夫婦經三宿

女曰不可久居乃取金枕送出未逾數步惟有一塚道度至秦以枕貨於市適秦妃出遊見枕疑之道度具以實告妃悲泣遣人發塚啟柩始信之嘆曰此是我壻也遂封道度為駙馬都尉賜金帛車馬令還本國

搜神記○按法苑珠林載王國志任女事與此畧同不重載

汧陽郡有張四郎廟上元中有韋氏子客汧至廟解鞍以憇見廟中有二屐子乃結草而成色白製度極妙生收貯橐中及至郡郡守舍生於館亭中生以所得屐致於前而寐明日已亡所在食頃乃於館亭瓦

屋上得之如是者三生僕乃竊於隙中伺之夜將半
 展忽化爲白鳥飛於屋上韋生命取焚之乃飛去宣室
 志

興元元年朱泚亂有閹敬立爲段秀實告密使潛出
 鳳翔夜抵太平舊館有二皂衫人控轡至廳皂衫人
 通曰知館官前鳳州河池縣尉劉倣敬立見之問曰
 此館甚荒蕪何也倣云館卒並散逃此皆某家奴
 權且應奉耳良久敬立與倣同食甚飽畜僕等皆如
 法敬立問倣別殿一馬至四更倣又具饌令所借馬

被馱而行東方似明有吏迎拜曰前館無人大使何
 以宿及問所送僕馬俱已不見所馱輜重已却迴百
 步置路側館吏曰昔有河池縣尉劉少府殯宮在彼
 館後久已頽毀敬立却迴驗之廢館牆後有古殯宮
 木馬廢堠冥器數人而已博異記

王維爲岐王畫一石有天然之致數年益精彩一旦
 風雨中雷電交作屋宇俱壞不知所以後見軸空乃
 知畫石飛去憲宗朝高麗遣使言幾年月日大風雨
 中飛一奇石下有王維字印王不敢留遣使奉獻上

命羣臣以維手跡較之無毫髮差謬

西陽雜俎

參軍黃仁濬自言壬子歲罷汴陽主簿至鳳翔城有

文殊寺寺中土偶數十軀忽自搖動狀如罪人食頃

不止觀者如堵

稽神錄

岐州王祐常開館舍以待往來有一道士謁祐自稱

華山道士携一張琴負一壺藥來求寄宿纔曙辭去

泚令人潛偵之見道士化一大鹿西走不知所之蕭

錄

大唐中有路氏子性好竒廬於太白山嘗有老僧叩

門路君延坐與語久之僧曰檀越好可請觀我元妙

之踪言訖卽出一合子徑寸餘其色黑而光旣啟卽

以身入俄化爲鳥飛冲天

宣室志

明扶風馬孺子與群兒戲郊亭上忽有竒女墮地群

兒駭且悅之稍狎焉女怒曰帝以吾心侈大怒而謫

來七日當去遂入居佛寺講室及期取杯水飲之噓

成雲氣五色因取裘反之化爲白龍迴翔登天而去

董卓旣死當時日月清淨微風不起旻璜等及宗族

老弱悉在郿皆還爲其群下所斫射卓母年九十走

至塢門曰乞脫我死即斬首袁氏門生故吏改殯諸
 袁死於郿者斂聚董氏尸於其側而焚之暴卓尸於
 市卓素肥膏流浸地草爲之丹守尸吏寘以大炷致
 卓臍中以爲燈光明達旦如是積日後卓故部曲收
 所燒者灰并以一棺棺之葬於郿卓塢中金有二三
 萬觔銀八九萬觔珠玉錦繡奇玩雜物皆山崇阜積
 不可知數英雄記李傕等葬董卓於郿葬日大風雨霆
 震卓墓流水八藏漂其棺木後漢書曰董卓傳
 隋大業末有道者居太白山煉丹砂有成弼者給侍

甚久一日以家艱辭去道者遺丹十粒令一粒化赤
 銅十觔足辦葬事弼還如言襄事復入山求丹不與
 乃持刃劫之斷手則足顏色不變并斬其首解衣見
 肘後有赤囊開之則丹也弼喜持之下山忽聞呼弼
 聲迴顧乃道者也曰吾不期與子至此子受丹神必
 誅汝終如吾矣言已不見弼既得丹多變黃金家大
 富則爲人告云有姦弼自列能成黃金唐太宗召試
 有驗因授五品官令造金凡造數百觔而丹盡因求
 去帝令列其方弼訴不知帝謂其詐遂令斷手肘足

斬首如道者云廣異記

諸葛山農夫掘地得一瓦器似枕形破之中有文云
諸葛枕更更驚人醒

雲室山有樹似杉別生一枝葉似梅九月開花其辭
似梅花考太和山志有榔梅樹半面開花疑此卽榔

梅焉

益門山中虎爲害一日風起有物張兩翼如赤旗其
音如鼓片時風息樵者止見虎頭二虎爪八正韻釋
韻駁食虎豹音如鼓此其是也

明末流賊亂連破雙堡明月卽烽台二堡殺戮殘酷又

欲克太平堡人情恟懼多棄城走渭北有王某者令

遠里人有勇畧衆議舉爲督守提劍立於北門口賊

已星布去欲何之有同死此地耳况死中可以求生

也約令貧者競出死力巨室樂爲犒賞晝夜拒戰賊

衆飢疲乃去自是人心翕然咸有固守之志方賊急

時王令男子乘城婦女不得出門觀望雖賊矢射及

房屋亦不得驚擾走動方計事於其門首其婦出門

呼之食則大怒必欲斬之衆泣請不得解則罰取坡

下泉水十餘担以爲官用人以是益畏服之張更者
礮溪里人善射有膽氣一日與丁壯男在田有賊忽
自西來不及收衆入城賊已至弔橋城門不得閉更
見勢危服單衫擁盾迎敵賊矢集盾上如蝟更呼賊
帥與語一矢殪之賊驚退馬四者伐魚里人便捷勇
決賊帥有三隻手某者以善槊射攝服羣賊一日率
衆來營東坡下人不知其爲三隻手也時出數百人
邀擊之賊發三矢衆皆驚潰賊因直薄南門門已閉
矢馬四啟門獨出發一矢墜三隻手馬下左右扶上

馬馳去大衆至欲攻之三隻手曰此中有人未可圖
也遂引去後三隻手入本朝有戰功官總鎮過鳳翔
訪問堡人曰馬四奇男子在乎曰在今老矣因爲嘆
息久之蓋惜其不及顯用於時也

王皮者居鳳翔府城外八九里許盛暑入城買皮料
歸憇道傍樹下有二卒來前狀貌奇怪問曰汝王皮
與王疑懼遂以實對卒曰陰府攝汝王曰某生平無
大過惡望賜矜憐卒不諾又曰容到家與妻子一別
可乎卒乃諾將及門卒力挽之不能入王大叫比妻

子來王已仆地氣絕矣然胸中微溫經宿未敢蓋棺
王隨卒至一所儼若王者之庭儀衛吏隸無不備問
曰汝爲白起偏將坑趙降卒四十萬知其罪否王曰
某傭工平生不曾讀書不知白起爲何人坑降卒爲
何事於是令王起凡再歷二庭問亦如之乃反接至
一大池邊取池中泥塗其胸寒氣凜冽洞腹透背王
節悟曰某已記前身事矣復引至原問第三殿王告
曰某曾爲白起偏將殺降卒時某曾力諫不從頃間
引一荷鍬校者跪王側王識是白起而形骸骨立起
見王曰子來矣予復何言遂伏罪庭吏引王還第一
殿檢錄陽壽未終卽命原攝卒引至原憇樹下一推
而蘇妻子親鄰且驚且喜扣問備言其故有傳之京
師者差進士高哲篤來鳳翔覆察果實時王元吉爲
本府照磨知之尤詳且有抄錄公文此事雖幻誕實
可爲爲將而嗜殺人者之戒故節錄大槩如上

元陶
九成

輟耕
錄

重修鳳翔府志卷之三

三十一